

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj: 7/10), a u skladu sa članom 33. i 46. Zakona o izvršavanju Budžeta Zeničko-dobojskog kantona za 2018. godinu („Službene novine Zeničko-dobojskog kantona”, broj: 1/18), na prijedlog Ministarstva zdravstva, Vlada Zeničko-dobojskog kantona, na 167. sjednici, održanoj 02.11.2018. godine, d o n o s i

ZAKLJUČAK

o usvajanju Programa utroška sredstava planiranih u Budžetu Zeničko-dobojskog kantona za 2018. godinu na poziciji „Kapitalni transferi drugim nivoima vlasti – za zdravstvo“

I.

Usvaja se Program utroška sredstava planiranih u Budžetu Zeničko-dobojskog kantona za 2018. godinu („Službene novine Zeničko-dobojskog kantona”, broj: 1/18) na poziciji „Kapitalni transferi drugim nivoima vlasti-za zdravstvo“ u iznosu od 1.355.000,00 KM (slovima: jedanmilijon-tristotinepedestpethiljada konvertibilnih maraka), koji čini sastavni dio ovog Zaključka.

II.

Sredstva planirana Budžetom Zeničko-dobojskog kantona za namjene predviđene ovim Zaključkom realizovat će se isključivo u skladu sa realizacijom ostvarenih javnih prihoda u Budžetu Kantona.

III.

Zadužuju se Ministarstvo zdravstva i Ministarstvo finansija da realizuju ovaj Zaključak u skladu sa zakonom i podzakonskim aktima, svako u okviru svojih nadležnosti.

IV.

Stupanjem na snagu ovog Zaključka stavlja se van snage Zaključak Vlade Zeničko-dobojskog kantona broj: 02-14-5364/18 od 26.03.2018. godine.

V.

Zaključak stupa na snagu danom donošenja.

Broj: 02-_____/18.
Datum, 02.11.2018. godine.
Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

***PROGRAM UTROŠKA SREDSTAVA PLANIRANIH U BUDŽETU
ZENIČKO-DOBOJSKOG KANTONA ZA 2018. GODINU, NA POZICIJI
“KAPITALNI TRANSFERI DRUGIM NIVOIMA VLASTI- ZA ZDRAVSTVO”***

Zenica, oktobar 2018. godine

UVOD

U skladu sa članom 33. stav (2) Zakona o izvršavanju Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), sredstva utvrđena u razdjelu 21, budžetska organizacija 01, potrošačka jedinica 01 Budžeta-Ministarstvo zdravstva - pozicija „Kapitalni transferi drugim nivoima vlasti- za zdravstvo“, koristit će se prema programu utroška, odnosno prema aktima koje donosi Vlada Kantona.

U skladu sa članom 46. stav (1) Zakona o izvršavanju Budžeta Zeničko-dobojskog kantona za 2018. godinu, Ministarstvo zdravstva predlaže Vladi Zeničko-dobojskog kantona program utroška sredstava iz člana 33. navedenog Zakona.

Na prijedlog Ministarstva zdravstva, Vlada Zeničko-dobojskog kantona donijela je Zaključak broj: 02-14-5364/18 od 26.03.2018. godine, kojim je usvojila Program utroška sredstava planiranih u Budžetu Zeničko-dobojskog kantona za 2018. godinu na poziciji „Kapitalni transferi drugim nivoima vlasti - za zdravstvo“ u ukupnom iznosu 1.385.000,00 KM.

Od ukupnog iznosa planiranih sredstava iznos od 1.185.000,00 KM se odnosi na nabavku medicinske i nemedicinske opreme i ugradnju rezervnih dijelova i građevinsko- zanatske radove u JU Kantonalna bolnica Zenica, a iznos od 200.000,00 KM za nabavku opreme za potrebe ostalih javnih zdravstvenih ustanova.

Odlukom o preraspodjeli rashoda u Budžetu Zeničko-dobojskog kantona za 2018. godinu, broj: 07-03-01/14-1643-4-1/18 od 18.05.2018. godine izvršena je preraspodjela sredstava, kojom su sredstva na poziciji 615100 - „Kapitalni transferi drugim nivoima vlasti- za zdravstvo“ umanjena za 30.000,00 KM, a u istom iznosu povećana sredstva na poziciji 614100, subanalitika LAX011- „Tekući transfer za Kantonalni zavod za medicinu rada i sportsku medicinu- zdravstvena zaštita sportaša“.

U skladu sa Programom utroška sredstava planiranih u Budžetu Zeničko-dobojskog kantona za 2018. godinu na poziciji „Kapitalni transferi drugim nivoima vlasti - za zdravstvo“ od 26.03.2018. godine, na prijedlog Ministarstva zdravstva, Vlada Zeničko-dobojskog kantona donijela je 19 pojedinačnih odluka o odobravanju sredstava, od čega se 13 odluka odnosilo na nabavke medicinske i nemedicinske opreme i rezervnih dijelova za potrebe JU Kantonalna bolnica Zenica, a 6 odluka na nabavku opreme za potrebe ostalih javnih zdravstvenih ustanova.

Zbog kompliciranog i dugotrajnog vođenja postupka javnih nabavki, iz objektivnih razloga nije realizovana Odluka o odobravanju sredstava za nabavku aparata za hemodijalizu za potrebe JU Kantonalna bolnica Zenica, broj: 02-14-8787/18 od 24.05.2018. godine (58.500,00 KM) i Odluka o odobravanju sredstava za nabavku aparata body pletizmograf za potrebe JU Kantonalna bolnica Zenica, broj: 02-14-8788/18 od 24.05.2018. godine (70.200,00 KM).

U postupcima javnih nabavki JU Kantonalna bolnica Zenica je ugovorila obaveze koje su za 37.670,00 KM manje u odnosu na sredstva odobreana odlukama i to po sljedećim odlukama:

1. Odluka o odobravanju sredstava za nabavku hirurškog instrumentarija za potrebe JU Kantonalna bolnica Zenica, broj: 02-14-8784/18 od 24.05.2018. godine,
2. Odluka o odobravanju sredstava za nabavku laparoskopskog stuba za potrebe JU Kantonalna bolnica Zenica, broj: 02-14-8785/18 od 24.05.2018. godine,
3. Odluka o odobravanju sredstava za nabavku inkubatora za potrebe JU Kantonalna bolnica Zenica, broj: 02-14-8786/18 od 24.05.2018. godine,
4. Odluka o odobravanju sredstava za nabavku impax –radne stanice sa monitorima RTG za potrebe JU Kantonalna bolnica Zenica, broj: 02-14-8790/18 od 24.05.2018. godine i

5. Odluka o odobravanju sredstava za nabavku špalt lampe za potrebe JU Kantonalna bolnica Zenica, broj: 02-14-8791/18 od 24.05.2018. godine.

Istovremeno je za nabavke po Odluci o odobravanju sredstava za nabavku anesteziološkog aparata za potrebe JU Kantonalna bolnica Zenica, broj: 02-14-8789/18 od 24.05.2018. godine i Odluci o odobravanju sredstava za nabavku mikrotoma za potrebe JU Kantonalna bolnica Zenica, broj: 02-14-8792/18 od 24.05.2018. godine, bilo potrebno obezbjeiti dodatna sredstva u ukupnom iznosu od 43.290,00 KM.

Uzimajući u obzir naprijed navedeno, ukazala se potreba za stavljanjem van snage Program utroška sredstava planiranih u Budžetu Zeničko-dobojskog kantona za 2018. godinu na poziciji „Kapitalni transferi drugim nivoima vlasti - za zdravstvo“, broj: 02-14-5364/18 od 26.03.2018. godine i usvajanjem novog Programa, a u cilju većeg procenta realizacije Budžetom odobrenih sredstava.

Svrha Programa: Ovim programom utvrđuje se utrošak sredstava za kapitalne transfere u oblasti zdravstva.

Visina sredstava: 1.355.000,00 KM

Izvor sredstava: Budžet Zeničko-dobojskog kantona za 2018. godinu, razdjel 21, budžetska organizacija 01, potrošačka jedinica 0001- Ministarstvo zdravstva, ekonomski kod 615100, poziciji „Kapitalni transferi drugim nivoima vlasti- za zdravstvo“.

Članom 13. Stav 2. Zakona o zdravstvenoj zaštiti ("Službene novine Federacije Bosne i Hercegovine", broj: 46/10 i 75/13) propisano je da Kanton osigurava sredstva za vršenje osnivačkih prava nad zdravstvenim ustanovama čiji je osnivač, a koji obuhvata investicijsko ulaganje i investicijsko i tekuće održavanje zdravstvenih ustanova, prostora, medicinske i nemedicinske opreme i prevoznih sredstava, te informatizaciju zdravstvene djelatnosti u skladu sa planom i programom mjera zdravstvene zaštite za područje kantona koji utvrđuje vlada kantona na prijedlog kantonalnog ministra.

Članom 13. stav 4. Zakona propisano je da Kanton osigurava sredstva za ostvarivanje društvene brige za zdravlje.

Potrošnja planiranih sredstava za kapitalne transfere za zdravstvo podijeljena je u dvije cjeline:

- I. Ulaganja u JU Kantonalna bolnica Zenica u iznosu od 1.185.000,00 KM
- II. Nabavka opreme i ostala ulaganja za potrebe ostalih javnih zdravstvenih ustanova u iznosu od 170.000,00 KM

I. Ulaganja u JU Kantonalna bolnica Zenica

Vlada Zeničko-dobojskog kantona već nekoliko godina u Budžetu Zeničko-dobojskog kantona planira sredstva namijenjena za nabavku opreme i druga ulaganja koja imaju karakter stalne imovine u JU Kantonalna bolnica Zenica, sa ciljem da se poboljšaju uslovi rada u ovoj zdravstvenoj ustanovi.

Najveći dio planiranih sredstava za kapitalne transfere u oblasti zdravstva u 2018. godini odnosi se na ulaganja u JU Kantonalna bolnica Zenica u iznosu 1.185.000,00 KM ili 87,5% ukupno planiranih sredstava. U strukturi planiranih ulaganja na nabavku medicinske opreme i rezervnih dijeova se odnosi 945.232,00 KM, građevinsko-zanatske radove 114.450,00 KM i nabavku nemedicinske opreme 125.318,00 KM.

U sljedećem pregledu dat je spisak medicinske opreme i ostale opreme koja se planira nabaviti iz sredstava Budžeta Zeničko-dobojskog kantona za 2018. godinu sa planiranim sredstvima za navedene nabavke:

Redni broj	Vsta ulaganja	Planirana sredstva po Programu utroška
1.	Hirurški instrumentarij	321.600,00 KM
2.	Laparoskopski stub- Odjel hirurgije	152.000,00 KM
3.	Inkubatori- Odjel pedijatrije	69.750,00 KM
4.	Anesteziološki aparati	131.040,00 KM
5.	Impax-radio stanice sa monitorima RTG	34.750,00 KM
6.	Špalt lampa-Odjel za očne bolesti	16.030,00 KM
7.	Mikrotom-Odjel patologije	23.400,00 KM
8.	Zamrzivač do -80 ⁰ za potrebe Odjela mikrobiologije	29.000,00 KM

9.	Zamrzivač do -30 ⁰ za potrebe Odjela mikrobiologije	11.000,00 KM
10.	PCR aparat - Odjel mikrobiologije	50.000,00 KM
11.	Nabavka endoskopskog stuba sa opremom za gastroskopiju i kolonoskopiju	104.555,00 KM
12.	Ostala medicinska oprema i rezervni dijelovi	2.107,00 KM
13.	Ukupno nabavka medicinske opreme i rezervnih dijelova (od 1. do 12.)	945.232,00 KM
14.	Nemedicinska oprema- hladnjača za potrebe Službe za ishranu bolesnika	81.900,00 KM
15.	Nabavka i ugradnja rezervnih dijelova za motorno vozilo Peugeot Boxer	13.418,00 KM
16.	Automobil za prevoz doktora	30.000,00 KM
17.	Ukupno nabavka nemedicinske opreme i rezervnih dijelova (od 14.do 16.)	125.318,00 KM
18.	Građevinsko-zanatski radovi	114.450,00 KM
	UKUPNO (red. br. 13.+17.+18.)	1.185.000,00 KM

Na prijedlog Ministarstva zdravstva, a po zahtjevu JU Kantonalna bolnica Zenica, Vlada Zeničko-dobojskog kantona donosi odluku o odobrenju sredstava u skladu sa procentom ostvarenja prihoda u Budžetu Zeničko-dobojskog kantona. JU Kantonalna bolnica Zenica provodi postupak nabavke u skladu sa Zakonom o javnim nabavkama ("Službeni glasnik Bosne i Hercegovine", broj: 39/14).

Sredstva odobrena posebnom odlukom Vlade Zeničko-dobojskog kantona transferisat će se na račun JU Kantonalna bolnica Zenica broj:134-010-00000138-94 otvoren kod ASA banke, na osnovu zaključenog ugovora o nabavci.

JU Kantonalna bolnica je obavezna Ministarstvu zdravstva dostaviti dokaze o izmirenju obaveza dobavljaču prema uslovima iz zaključenog ugovora o nabavci.

II. Nabavka opreme i ostala ulaganja za potrebe ostalih javnih zdravstvenih ustanova

Budžetom Zeničko-dobojskog kantona za 2018. godinu planirana su sredstva za nabavku opreme u ostalim javnim zdravstvenim ustanovama u iznosu od 155.000,00 KM i sufinansiranje izgradnje ambulate u Piljužićima-Dom zdravlja Tešanj u iznosu 15.000,00 KM, što predstavlja 12,5 % ukupno planiranih sredstava za kapitalne transfere za zdravstvo. U sljedećem pregledu dati su iznosi planiranih sredstava po pojedinačnim zdravstvenim ustanovama, a namjena će biti utvrđena odlukama Vlade Zeničko-dobojskog kantona:

Redni broj	Zdravstvena ustanova	Planirana sredstava po Programu utroška
1.	Zavod za medicinu rada i sportsku medicinu Ze-do kantona	30.000,00 KM
2.	Dom zdravlja Zavidovići	50.000,00 KM
3.	Dom zdravlja Usora	35.000,00 KM
4.	Dom zdravlja Žepče	25.000,00 KM

5.	Dom zdravlja Zenica	15.000,00 KM
6.	Dom zdravlja Tešanj - sufinansiranje ambulante u Piljužićima	15.000,00 KM
	UKUPNO	170.000,00 KM

Iz Budžeta Zeničko-dobojskog kantona za 2018. godinu planirana su sredstva u ukupnom iznosu od 140.000,00 KM za kapitalna ulaganja u zdravstvene ustanove čiji su osnivači općine (redni broj 2. do 6. tabelarnog pregleda).

Kriterij za dodjelu sredstava: Na prijedlog Ministarstva zdravstva, a po zahtjevu zdravstvene ustanove Vlada Zeničko-dobojskog kantona donosi odluku o odobrenju sredstava u skladu procentom ostvarenja prihoda u Budžetu Zeničko-dobojskog kantona.

Zdravstvena ustanova provodi postupak nabavke u skladu sa Zakonom o javnim nabavkama ("Službeni glasnik Bosne i Hercegovine", broj: 39/14).

Sredstva odobrena odlukom Vlade Zeničko-dobojskog kantona transferisat će se na račun zdravstvene ustanove na osnovu zaključenog ugovora o nabavci.

Zdravstvena ustanova je obavezna Ministarstvu zdravstva dostaviti dokaze o izmirenju obaveza dobavljaču.

Broj: 02- /18.

Datum, 02.11.2018. godine.

Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva,

1x Ministarstvo finansija,

1x a/a.